



# АДОЛАТ

ИЖТИМОИЙ-СИЙOSIY GAZETA

info@adolatgzt.uz • www.adolatgzt.uz • www.adolat.uz • № 19 (1030) • 2015-yil, 1-may, juma

## Қадди баланд элда қадри баланд нурунийлар

➤ 2015 йил — Кексаларни эъзозлаш йили

Инсон қадри улуғланган, хотираси уйғоқ юрда яшаймиз. Бугунимиз кечаги кундан ёруғ, эртаимиз янада файзли бўлишига ишончимиз комил. Навқирон авлод эътиборда, ёши удуғлар эҳтиромда.

Халқимиз озод, юртимиз обод. Шундай азиз Ватанда яшамоқлик, унинг буюк келажаги йўлида меҳнат қилмоқлик беқиёс бахт. “Қариси бор уйнинг париси бор”, “Қари билгани пари билмас” каби ҳикматли нақллар минг йиллар мобайнида ҳаётда ўз исботини топиб келган ҳақиқат эканлиги барчамизга аён. Аслида ҳам бир умр меҳнат қилиб, фарзанд тарбиялаб, эл-юрт қорига яраб яшаётган ҳар бир инсон кексайганда ҳурмат-иззат кўриб, эъзозланиб, ҳаётдан рози бўлиб яшашга муносибдир.

Халқимиз кексаларни ҳаммаша ҳурматлаб, эҳтиром кўрсатади. Ёшларимиз нурунийни кўрса, қўли кўксида, саломга шай, хизматга тайёр туради. Маслаҳати-ю панд-насиҳатига лаббай дейди, танбеҳига доим қулоқ тутаяди. Уйининг, дастурхонининг турини ёши удуғларга атайди.



## Унут бўлмас кечмиш сабоқлари шукронага ундайди

➤ 9 Май — Хотира ва қадрлаш кун

Нуруний отахону онахонларимиз баҳорнинг илк кунларида хосиятли қуш — қалдирғочни кўрса, қўлларини дуога очиб, тинчлик ва осойишталикка шукрона айтишади. Чунки қалдирғоч аҳил-иноқ оилалар тинч яшайдиган хонадонларга учиб келади, уя қуради, полапон очаяди. Бундан кўриниб турибдики, шу митти қуш ҳам тинчликни қадрлайди.

Ҳа, тинчлик ва осойишталик — улуғ неъмат. Улар мужассам жойда тараққиёт ва ривожланиш барқарор бўлади, одамнинг уйида ҳам, кўнглида ҳам хотиржамлик ҳукм суради, бундай инсон ҳақиқий бахт ва ҳаловатни туйиб яшайди. Уруш эса айрилиқ, вайроналик, жабру ситам, азоб-уқубат... Шоир айтганидек:

Уруш, номинг ўчсин жаҳонда,  
Ҳамон битмас сен солган алам.  
Сен туфайли кўп хонадонда,  
Ота номли буюк шодлик кам...



### МУҲИМ ВАЗИФАЛАР ИЖРОСИДА ҳар бир сафдошимиз масъул

Жорий йилнинг 22-30 апрель кунлари Ўзбекистон “Адолат” СДПнинг Қорақалпоғистон Республикаси, Тошкент шаҳар ҳамда вилоятлар кенгашларининг навбатдаги пленумлари бўлиб ўтди.



## Маҳаллий давлат ҳокимияти органлари фаолиятининг очиқлигини таъминлаш дастурий мақсадимиз

➤ Фракция йиғилиши

Олий Мажлис Қонунчилик палатасидаги Ўзбекистон “Адолат” социал-демократик партияси фракциясининг навбатдаги йиғилишида «Маҳаллий давлат ҳокимияти тўғрисида»ги Ўзбекистон Республикаси қонунига қўшимча киритиш ҳақида»ги қонун лойиҳаси депутатлар томонидан биринчи ўқишда кўриб чиқилди.

Таъкидланганидек, Ўзбекистон Республикаси Конституциясининг 103-моддасига киритилган тузатишни амалга ошириш мақсадида Олий Мажлис Қонунчилик палатасининг бир гуруҳ депутатлари томонидан ишлаб чиқилган қонун лойиҳасига кўра амалдаги Қонун вилоят, туман, шаҳар ижтимоий-иқтисодий ривожланишининг энг муҳим ва долзарб масалалари бўйича вилоят, туман ва шаҳар ҳоким-

ларининг ҳисоботларини халқ депутатлари Кенгашлари томонидан эшитиш механизми назарда тутилган 251-модда билан тўлдирилмоқда. Қонунга киритилаётган ушбу қўшимча билан мавжуд тизимга бир қатор асосий қоидаларни жорий этиш назарда тутилган.

Хусусан, киритилаётган қоидаларга асосан вилоят, туман ва шаҳар ҳокими ҳар йили тегишли халқ депутатлари

Кенгашига вилоят, туман, шаҳар ижтимоий-иқтисодий ривожланишининг энг муҳим ва долзарб масалалари юзасидан ҳисобот тақдим этади.

Ҳокимнинг ҳисоботи вилоят, туман, шаҳарнинг ўтган йилда ижтимоий-иқтисодий ривожланиш яқунлари ва жорий йилга мўлжалланган ижтимоий-иқтисодий дастурнинг энг муҳим устувор йўналишларига бағишланган мажлисида тақдим этилади.



➤ Муқобил энергетика



## Янгиободда қуёш электр станцияси

синовдан муваффақиятли ўтди ва фойдаланишга топширилди

Партияимизнинг Сайловолди дастурида янги, энергия ресурсларини тежайдиган технологияларни кенг жорий этиш, уй-жой-коммунал соҳаси ва кундалик турмушда қуёш энергиясидан ҳамда бошқа қайта тикланувчи энергия манбаларидан кенг фойдаланиш муҳим вазифалар қаторида санаб ўтилган.

Муқобил энергия манбаларидан фойдаланишни йўлга қўйишда кейинги йилларда Наманган вилоятида ҳам қатор ишлар амалга оширилганлигини кўриш мумкин. Улар орасида хорижий давлатлар билан ҳамкорликда рўйбга чиқарилаётган истиқболли лойиҳалар ҳам борлиги диққатга сазовордир.



## Қонун устуворлиги ҳар соҳада муҳим

➤ Анжуман

Дунё халқлари маданияти турлича. Бугун ба-шарият учун ахборот асри деб аталаётган бизнинг асримизда жаҳон харитасида шундай қадимий маданият ўчоқлари мавжудки, улар тегишли мамлакатларнинг ташриф қоғозига, ялпи миллий даромаднинг салмоқли улушига айланган.

Ўзбекистон ҳам ана шундай тарихий, маданий меросга, қадимий осори-атиқаларга бой мамлакат саналади. Она Ватанимиз бугун сайёҳлик кўлами ва тарихий қадамжолари кўплиги бўйича дунёдаги етакчи ўн мамлакат қаторида туради. Юртимиз ҳудудида тўрт мингдан зиёд тарихий ва маданий ёдгорликлар мавжуд.

Таъкидлаш жоизки, ўзбек халқининг тарихий-маданий мероси умумжаҳон аҳамиятига молик кадрият экани эътироф этилмоқда. Самарқанд, Бухоро, Хива ва Шахрисабз шаҳарлари ЮНЕСКОнинг Жаҳон маданий мероси рўйхати-га киритилган. Юртбошимиз ташаббуси билан Самарқанднинг 2750, Қарши ва Шахрисабз шаҳарларининг 2700, Хива, Бухоро ва Термиз шаҳарларининг 2500, Тошкент-

нинг 2200, Марғилоннинг 2000 йиллик тўйлари халқаро миқёсда кенг нишонланди.

Мустақиллик йилларида кўп минг йиллик бой ва бебаҳо тарихий, маданий ва маънавий меросимизни тиклаш, сақлаш, ўрганиш, тарғиб этиш, уларни келажақ авлодга бекаму кўст етказиш масаласига алоҳида эътибор қаратилмоқда.



### ИХТИРОЧИ ТАЛАБАЛАР

Фарҳод Маҳмудов, Нуруллохон Муродхонов, Улуғбек Исмонов биргаликда микроГЭС устида иш олиб бораётган бўлса, Нодирбек Абиджанов шомол ёрдамида энергия олишга мослаштирилган уйнинг нусхасини яратди. Шунингдек, Муҳриддин Шарипов ҳамда Муҳаммадамин Уматалиев шомол энергияси ёрдамида кичик ҳажмли чироқларни нурлантирадиган қурилмалар ихтиро қилишди.



### УРФГА АЙЛАНАЁТГАН ИЛЛАТ

ёхуд пулсочар меҳмонлар ва қуёвлар ҳақида

... бир пайтлар никоҳ маросимида келин-қуёвларнинг устидан танга-чақалар, ширинликлар сочилар ва бу сочқиларни йиғит-қизлар, ота-оналар бизни ҳам шундай кунларга етказсин деган яхши ният билан, болажонлар эса ҳавас билан талашиб-тортишиб териб олишарди.



### ОКЕАН НЕГА ИСИЯПТИ?

Мутахассислар Тинч океанининг фавқуллодда илиқ сув ҳудуди тез кенгайиб бораётганидан ташвишга тушмоқдалар. Бугунги кунда мазкур табиий ҳодиса Аляскадан Мексикагача бўлган ҳудудни қамраб олиб, Беринг денгизи қирғоқларига қадар етиб борган.















